



In dumënia ai 16 de Setëmbër éi gnü sughé la secunda partida dl campionat 2012/2013 de 3° categoria por La Val. La partida é gnüda sugada te cíasa cuntra la squadra da Lüssen, che é tomá indô zoruch tla 3. categoria l' ann passè.

Dô la burta prestaziun tla prüma partida cuntra Gais é La Val jüs te campo cun n'atra mentalité y cun plü convinziun.

Chësta ê na buna oportunité da scmuntié la prüma partida, dan le publico te cíasa.

Mo bel dô da 50 secunc che la partida á metü man se ciafa La Val en gol. Al röia ite en cross te area, la pala rimbalza mo le defensur da La Val ne röia nia sön le pal cun le cè. La pala scavalchëia le defensur, te chël röiel dô ia en atacant, al ne ti resta nia plü co tigní zoruch tla maglia le atancat. Insciö fischëia le arbiter le rigore y tira fora la cherta ghela. Sepl vëgn spiazè y le bel tiro röia bel avisa dlungia le palo ite.

Mo püch dedô ti garetel le 1 a 1 a La Val. Micky recuperëia la pala sön la fascia, cun en gran bel lancio portel Florian te porta. Le lancio röia dan l'area, le portier vëgn fora mo Florin ne pënsa nia sura dî y vá cuntra le portier. Al é bun da antizipé le portier y cun en bel colp de testa röia la pala sura le portier fora y te porta. Sön le contrast cun le portier é le portier da Lüssen che se ciafa na gran tega, mo al é bun da sughé inant.

Al é na bela partida, deache düc fesc "kämpfen" sia i sogadusc da Lüssen che da La Val. Lüssen á indô la fortüna da fa le secundo gol. Indô sön en fal den defensur da La Val é la pala che resta te area. Sön le rimbalzo röiel adalerch le atacant da Lüssen y cun en bel colp te cé el bun da fa passè la pala sura Sepl fora. Elmar è cíamò bun da salvé cun en gran intervento, che le pal ne rovass nia te porta. Mo le arbiter che ê a mesa le campo ti dá le gol al Lüssen, ince sce la pala ne é nia jüda te porta.

Püch dedô é spo Micky che fesc prësc le pareggio. Al é bun da se stoppen en bel lancio de Ivan, cun en palonetto él spo bun da surpasè le defensur. Spo prol cun en gran tiro al volo sön le palo lunch da fá gol. Le portier ne fesc degüna mossa, mo la pala rōia de püch dlungia le palo ia.

Denant co le prüm tēmp se stlüsc jö é La Val che fesc cíamò le 2 a 2. Na gran puniziun de Florian rōia dlungia la bariera ia y spo sön le prüm palo. En gan tiro de Florian. Le prüm tēmp se stlüsc jö spo sön le 2 a 2.

Tl secundo tēmp él spo La Val che á la partida tles mans. Deplü oportunitês ne vëgn nia anüzades. Ivan sön la fascia porta ite a mez de bi pai, mo gonot mancel l' ultim sogadú che podess insciö jí ala conclujiun. Alexander ciafa a mesa le secundo tēmp en bel pal, al prô de prüma te area da fá gol, mo la pala rōia sura porta fora. Ince en per de tiri di centrocampisć rōia ince depüch sura porta fora.

Por le secundo gol scinché al Lügen é spo le arbieter bunamēnter che ne fischia nia en rigore netiscimo dl portier da La Val. Sön na uscita ol abiné la pala, mo al abina ma les giames dl atacant, mo le arbiter ne fischia nia le rigore, na gran fortuna por La Val.

Palo Valazza fesc cíamò en gran intervento tl area, en atacant ti sciampa al ater defensur, mo spo bel avisa canche al ó trá te porta, röiel Paolo adalerch sön na gran diagonale y cun na bela scivolata el bun da ti tó la pala (en gol salvè da Paolo).

Ala fin dla partida é cíamò Ivan che prô cun en bel tiro da fa gol. La traiettoria dl pal foss stada buna, mo al ê massa plan, insciö é bun le portier da parè le tiro, che foss jü bel avisa tl incrocio.

La partida se stlüsç jö sön le 2 a 2. Cun chësc punt davagné se porta La Val al 9° post te tlassifica. Proscima partida é in sabda ai 22.09.2012 fora de ciasa cuntra le Gsiesertal (che é ince i avversarsc te Copa Provinzia)

□

La formaziun titolara: Kantioler Sepl, Tavella Thomas, Alton Alex, Vallazza Paolo, Valentin Elmar, Frenes Micky, Sottara Stefan, Tschaffert Ivan, Moling David, Rubatscher Romeo y Rubatscher Florian.

□

Sostituziuns:

Sottara Freddy por Moling David

Sottara Werner por Tavella Thomas

Miribung Adrian por Rubatscher Romeo

Por udëi fotos dla partida drüca: [FOTO](#)

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)